



FYLKESMANNEN
I ROGALAND

Dykkar ref.: «REF»

Vår dato: 31.08.2017
Vår ref.: 2016/14409
Arkivnr.: 434.11

Rogaland Sau og Geit
Att: Magne Jacob Bjørheim

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 52 03 00
E: fmropost@fylkesmannen.no

www.fylkesmannen.no/rogaland

Utviding av skadefellingsløyve på jerv

Rogaland Sau og Geit gis med dette utviding av tidsperiode i samband med løyve til skadefelling av 1 individ av jerv i Sauda, Suldal, Hjelmeland og Forsand kommunar i Rogaland. Opphavelog løyve vart gitt i tidsrommet frå 17.08.2017 til og med 31.08.2017. Løyve vert med dette utvida til å gjelde frå 1.09.2017 til og med 14.09.2017.

Løyvet er gitt etter naturmangfaldlova § 18 første ledd bokstav b og § 77, jf. forskrift om forvaltning av rovvilt § 9, jf. også §§ 1 og 3. Det er knytt vilkår til løyvet.

Bakgrunn:

I brev frå Fylkesmannen, datert 18.08.2017 fekk Rogaland Sau og Geit løyve til skadefelling av 1 individ av jerv i Sauda, Suldal, Hjelmeland og Forsand kommunar i tida frå 17.08.2017 til og med 31.08.2017.

I tida etter skadefellingsløyve vart gitt har skadesituasjonen vorte pågåande og aukande. Det er gjort observasjon av jerv over grensa til Aust-Agder ved to høve. Forutan observasjonar av jerven, har det og blitt dokumentert fleire tap av sau til truleg same jerv etter førre løyve vart gitt.

Med bakgrunn i dette har Rogaland Sau og Geit søkt om utviding av skadefellingsløyve i Rogaland og Hordaland for tidsrommet 01.09.2017 til og med 30.09.2017. Dei søker også om skadefellingsløyve på jerv i Agder og Telemark for same periode, samt at skadefellingsløyvet opnar for bruk av helikopter for transport av personell i samband med fellingsforsøk.

Vurdering:

Fylkesmannen i Rogaland finn ikkje grunn til å opne for bruk av motorisert køyretøy i samband med skadefellinga, og held fast ved vilkåra i opphavelog løyve. Me vil minne om at det er kommunen som må ta stilling til spørsmål knytt til motorisert ferdsel i utmark, i samband med transport av jegerar og utstyr jf. lov om motorferdsel i utmark (motorferdsellova).

Direkte og dokumenterte utgifter til utvida fellingsforsøk kan krevjast dekkja. Fellingsleiar har ansvar for å sende inn dokumentasjon på utgifter til Fylkesmannen, innan 2 veker etter fellingsperioden er slutt. Vidare har deltakarar i fellingslaget krav på godtgjering på same vis som kommunale fellingslag, jf. rovviltforskrifta § 9a.

Det blir satt ei ny øvre grense på 13 000,- for direkte og dokumenterte utgifter, totalt for det opphavelige løyve samt det utvida løyve for skadefellinga. Like så vil det vere ei ny øvre grense på 27 000,- for godtgjering for deltakarar i fellingslaga, totalt for opphavelig løyve samt utvidinga av dette.

Vurdering av vedtaket etter prinsippa i naturmangfaldlova kap. II §§ 8-12 vart gjort i opphavelig skadefellingsløyve. Fylkesmannen finn det derfor ikkje naudsynt å vurdere utviding av løyve på nytt etter same prinsippa i naturmangfaldlova kap. II, og visar difor til opphavelig skadefellingsløyve for vurdering etter desse prinsippa.

Konklusjon:

Me syner til opphavelig løyve gitt Rogaland Sau og Geit den 18.08.2017 og utvidar løyve med same vilkår (med unntak av vilkåra for økonomisk godtgjering) for perioden 1.09.2017 til og med 14.09.2017.

Då utvidinga av løyve overlappar med lisensjakta for jerv som startar 10.09.2017, set me som ekstravilkår at jakta på best mogleg måte må samordnast med lisensjegerar i terrenget.

Med helsing

Per Kristian Austbø
ass. fylkesmiljøvernssjef

Stian Philip Andersen
rådgivar

Dokumentet er elektronisk godkjent og har derfor ikkje underskrift.

Saksbehandlar: Stian Philip Andersen
Saksbehandlar telefon: 51568750
E-post: fmrospa@fylkesmannen.no

Kopi:
Sjå adresseliste (vedlegg).